

فريق التفريغ بموقع الطريق إلى الله

يقدم

مستنية إيه ؟!

(باللهجة المصرية)

لفضيلة الشيخ : الدكتور / حازم شومان

رابط المادة : <http://www.way2allah.com/modules.php?name=Khotab&op=Details&khid=93>

السلام عليكم ورحمة الله و بركاته ، الحمد لله وكفى ، وصلاة وسلاما على عباده الذين اصطفى ، ثم أما بعد

هل إنت مستعد للحساب ؟

لما بيحى نقول يا جماعة إن يوم القيامة خمسين ألف سنة ، إيه الخواطر اللي بتيجى فى ذهنك لما تسمع كلمة خمسين ألف سنة ؟! خمسين ألف سنة ده إنت عمرك بعد ما تشيل منه النوم ، و بعد ما نشيل منه ال 15 سنة اللي إنت كنت لسة مبلغتش فيهم ، و بعد ما نشيل منهم الأكل والمواصلات ووو مش هيفضل فيه خمسين ألف ساعة فتخيل إنك هتتحاسب على خمسين ألف ساعة فى خمسين ألف سنة ، تخيل إنك إنت هتتحاسب على الساعة فى سنة يا أخى الكريم

يعنى عايزين يا جماعة نفكر فى الموضوع ده من زاوية إيه ؟ إذا كنت فى الدنيا بتأخذ سنة كاملة تستعد فيها عشان تدخل لجنة امتحان ساعة ، إنت فى الآخرة كل ساعة خدتها فى الدنيا بتدخل فيها لجنة امتحان سنة يوم القيامة ، خمسين ألف سنة ، ده من يوم ما سيدنا آدم نزل على الأرض لغاية دلوقتى مجاش سبع تمن تلاف سنة ، يعنى إنت هتتقف يوم القيامة أطول من يوم ما سيدنا آدم نزل على الأرض لغاية دلوقتى ، بل أطول يعنى مرات مرات عديدة يعنى الدولة الفرعونية ثلاثين أسرة و الدولة الإسلامية العباسية و العثمانية و الأموية و القرن ال19 و القرن العشرين بكل الأحداث بتاعتهم ، كل ده ميجيش حاجة فى خمسين ألف سنة و تيجى فى الآخر بعد ما الواحد روحه تطلع ، هو لسة أد إيه ؟ فواحد يقولك هانت خلاص معدتش غير 100 سنة 100 سنة بس و نخلص الحمد لله ده قربت ، خمسين ألف سنة يا جماعة إنتظار ده ، لو اتقال لك إنت بعد الخمسين ألف سنة دول رايح الجنة برضه عذاب الإنتظار هيزلزلك فى المدة ده ، هى بل فى لحظة... لحظة ما هيتحدد مصيرك لحظة ما الكتاب هيتطير ليمينك ولا يسارك أو شمالك و العياذ بالله ، لحظتها الرعب اللي هدوقوه يعنى أقصى لحظة رعب و إنتظار دوقتها فى الدنيا كإن إمتى ؟

واحد قريبك وحبيبك أوى دخل عمليات فى حادثة و إنت مستنى يطلعوا يقولوا يا مات يأما ربنا أنقذه ، أو مثلا واحد طلعه ورم قريبك أو حبيبك أو إنت و قالوا ده ممكن يبقى ورم خبيث و خدوا عينة يجللونها و مستنى نتيجة التحليل تطلع حميد ولا خبيث ، إيه أكثر لحظة ؟ قضية يا يطلع اعدام يا يطلع مؤبد يروح فيها العمر ، يا يطلع براءة إيه أخطر لحظة إنتظار عشتها فى حياتك ؟ كل ده ولا حاجة فى لحظة إنتظار كتابك هتخده بيمينك ولا بشمالك لو الموضوع كدة يا جماعة يبقى لازم نحسبها صح ، لازم نحسبها صح بالذات إنتى يا أختى لازم تحسبها صح لأن الرسول - مش إنا - عليه الصلاة والسلام قال "فإني أرى تكمن أكثر أهل النار" صحيح أكثر أهل النار من إيه ؟ من النساء ، اللي هيعدوا عالصراف من كل ألف واحد 999 هيقعوا وواحدة ، أكثر ال 999 دول إيه ؟ من النساء ،

يبقى لازم إنتي بالذات تحسبها صح مستنية إيه؟! عايزين يا جماعة معلش عايزين الليلة لأن الأخوات فعلا عايزين وقفة إنتي مستنية إيه!؟

مستننية إيه من دنيا؟

ربنا قال عليها **"وَمَا الْحَيَاةُ الدُّنْيَا إِلَّا لَعِبٌ وَلَهْوٌ وَلَلدَّارُ الْآخِرَةُ خَيْرٌ لِلَّذِينَ يَتَّقُونَ أَفَلَا تَعْقِلُونَ"** الأنعام:32 مستنية إيه من دنيا؟!...الرسول عليه الصلاة والسلام قال عليها **"ما لي وما للدنيا ، ما أنا في الدنيا إلا كراكب استظل تحت شجرة ، ثم راح وتركها"** صححه الألباني...مستننية إيه من دنيا؟ الرسول قال عليها: **" لو كانت الدنيا تعدل عند الله جناح بعوضة ما سقى كافرا منها شربة ماء "** صححه الألباني

مستننية إيه من الدنيا؟ إيه اللي إنتي منتظراه؟ يعني أحد الشباب بيشتغل هو في المعازف - ربنا يتوب عليه - شاف رؤيا من عدة أيام ، إن هو يعني كإنه مات هو في الرؤيا ، إن هو مات و الناس خلاص بتكفنه و بتدفنه ، و هو حاسس بكل اللي حوله ، بس مش قادر ينطق ، و بعد كدة حفروا له حفرة و بيدفنوا فيها ! يقول لما دخلوه الحفرة و ردموا عليه ، ما هواش قادر يتكلم ! فبدأ يبص حواله لقي جث و هاجم و هياكل عظمية على يمينه و شماله ، فبقى مرعوب شوية ، بيقول خلاص ! استسلم ده ، كل ده في الرؤيا ، استسلم للأمر الواقع إنا مت خلاص ، شوية ولقي منكر و نكير جوله ، طبعاً هذا الشاب لم يكن متوقع إنه يشوف رؤيا زى دى أبداً ليه؟

ده هو بيشتغل في المعازف ، يا جماعة يعني مش قرأ قرآن و نام شافها ، لا ده هو مش في دماغه هذه الأحداث أصلاً ، بيقول فوجئت بمنكر و نكير جاين قعدوا يسألوا يسألوا يسألوا لغاية ما قولت ياااااااااااا ده أنا نفسي أرجع ساعة واحدة بس ، أقول للناس إنكوا لو رمشتوا بعينيكوا ، هتسألوا عن الرمشة دى !!! بعد كدة بيقول لما ذهبوا عنه جاء واحد قبيح المنظر جدا ، وفي إيده مرزبة و ظل يجري وراه في كل إتجاه و هو يجري حتى استيقظ على الهرب ، و قاعد يدفع هذا الرجل .

المقصد يا جماعة إحنا بنقول الكلام ده كله ليه؟ يعني رمشة العين دى ممكن نتحاسب عليها؟! أنا بقول الكلام ده لأخواتنا إن رمشة عينيكى ممكن تتحاسبى عليها ، إن اقل حركة و سكنة في حياتك ممكن تتحاسبى عليها مستنية إيه؟! مستنية موت ألفتجأة؟! مستنية إن القبر يضم عليكى؟! مستنية إنك إنتي تلاقى نفسك في لحظة البعث؟! مستنية إنك إنتي تعرضى على الله سبحانه و تعالى؟ مستنين إيه؟

ده المرة اللي فاتت و إحنا بنتكلم على تقدر تقول لأ لشهواتك و نزواتك؟ تقدر تبقى بطل؟ تقدر تبقى جيل؟ عايزين نقولك السؤال ده الليلة تقدرى تقولى لأ لشهواتك؟ تقدرى تبقى بطلة؟ بصراحة كدة و من الآخر عايزين نكلم الأخوات في الحجاب الشرعى السليم ، عايزين نكلمهم في هذا الموضوع بس قبل ما نكلم في شرط : **إنك إنتي تفتحي قلبك معايا ، و تعيشى في كل كلمة إنا بقولها**

خايف عليك ... قلبى بيتقطع عليك

فعايزين نكلم الأخوات يا جماعة و نقولهم إنتوا مستنين إيه؟! أنا والله يا جماعة ما جاي أجرح في حد الليلة ، و لا جاي أنتقد فيكى يا أختي ، و لا جاي إن أنا أقولك كلام صعب عليكى ، بالعكس ده أنا أخوكى ، **إحنا كلنا**

إخوانك ، و كل واحدة ماشية في الشارع مش بس في المسجد أختي بحق و حقيقي ، خايف عليكى ... أقسم برى
 "لا يؤمن احدكم حتى يحب لأخيه ما يحب لنفسه" رواه البخارى أنا بحب لنفسى الجنة فبحبلك إننى كمان الجنة
 عشان كدة أنا بكلمك ، و أنا لو شديت عليكى إعرفى إن أنا لو شوفت أختى يا جماعة هتوقع نفسها في حفرة فيها
 نار و بقولها حاسبى و مصممة إنها توقع نفسها في حفرة فيها نار هعمل إيه ؟ هشدتها في الآخر ، فلو شديت عليكى
 لإن أنا بشد على أختى ، يعنى الواحد قلبه بيحترق والله

حال النساء دلوقتي وصل لإيه !!!

بقي عادى إن بنت تركب مع ولد في عربية ده !!! مين ده ؟! إنت مالك إنت ؟! عادى إن بنت تتمشى مع ولد !!!
 عادى إن يتصل بيها أصحابها في البيت !!! بل على القهاوى الوقتى عادى إنك تلاقى بنت قاعدة في بعض القهاوى
 الراقية !!! البنات ممكن تعض في القهوة بس القهوة الراقية بس !!! و ممكن تشرب شيشة بس في القهوة الراقية بس
 !!! في بلاد زى القاهرة وإسكندرية تلاقى البنات ماشين بيدخنوا في الشوارع عادى !!! كل ده عادى ؟!! تقولك إيه
 يعنى ؟! إيه يعنى إن أنا أصحاب أكلم زمايلى ؟! إيه يعنى إن أنا أصحابهم أصلا ؟! إيه يعنى إن أنا أتصل بيهم أو
 يتصلوا بيا ؟! إيه يعنى إن أنا أرلهم وهو يدينى مسد ؟! إيه يعنى ده يكلمها وده يقف معاها وده يبصلها وده
 يضحك معاها وده يتمشى معاها !!! عادى كل ده ؟!

وتلاقى نفسك بتستنكر والشباب يا عيني غلبان ، الشباب يمشى في الشارع بنات متبرجات ، التليفزيون بنات
 متبرجات ، الجامعة بنات متبرجات ، المصالح والشركات بنات متبرجات ، و تيجى تكلم والدتها تقولك دى كتكوتة
 يا أختى! دى لسة كتكوتة صغيرة ! يا أختى أنا مش هرد ! بس أنا هسألك إننى بالله عليكى إننى شايقة نفسك
 كتكوتة ؟! يعنى إننى بصى لنفسك كدة ؟! إننى كدة !!!

فعلا يا جماعة ممكن في هذا الموقف تقولك الحمد لله ، الحمد لله ، الحمد لله لله ، الحمد لله لله على البنطلون اللى سترنى
 و التونيك اللى مغطيني !!! و الله مسجد السلاب ده مبيجيش فيه غير ناس معتدلة جدا ، بس عيبه حاجة واحدة
 بس إن المراوح بتاعته لو زادت شوية ! لحسن الحر على آخر الدرس بيسيح المكياج كله فبنخرج الميك أب بايظ
 من المسجد !

هو ده الحجاب اللى ربك أمرك بيه ؟!

يا جماعة إحنا عايزين نتكلم هو ده الحجاب ؟! ده الحجاب اللى ربنا أمرنا بيه ؟! يعنى إننى لبستى ايشارب ؟ طب
 والمكياج ؟ طب والقصة ؟ طب والروح ؟ و كريم الأساس و الكحل و الآي لاينر و الآي شادو ؟!!! إنا لازم أتكلم
 بصراحة لإن الوقتى إذا كانت واحدة مستحش إنها تتكلم عن فعل معين ، أنا استحي إن إنا أتكلم عليه ، والمونكير
 و الكعب ال11 سم و البنطلون الضيق و البلوزة الضيقة كل ده فين ؟!

والإختلاط و الضحك و كلام ده و كلام ده ! كل ده يتسمى حجاب ؟!!! تلاقى واحدة ماشية في الشارع دى
 محجة ؟! دى لابسة إيه ؟! بنطلون ضيق و بلوزة مفصلة جسمها و قصة باينة من تحت الإيشارب المثقوب المحرم !
 و مسمينه إيشارب ! إننى إيه ده ؟! أنا محجة الحمد لله ! و الثانية لابسة تونيك و لافة إيشارب صغير حاولين راسها
 مدخلاه من جوه البلوزة ، والا التونيك اللى لابساه و جزء من صدرها باين و كعب 11 سم و برفان عاصف

وميكياج عاصف!!! إيه ده يا بنتي؟ ده أنا محجبة و الحمد لله! هو ده الحجاب؟ الفضائيات ضحكوا علينا و لا إيه يا جماعة؟! بتوع الفضائيات ضحكوا علينا! لوثوا منحننا! الوقتي الفضائيات تفتتح بإيه؟! كلييات! كلييات مموها اليهود! عشان يفتنوا بنات المسلمين! البسوا زى البنات دول عشان تثيروا شهوات الشباب زى ما دول أثاروا شهوات الشباب! هو احنا كدة في المجتمع بتاعنا مستوى الإنحراف بتاع اللي بييجي في الكلييات؟! لا، و لكن ده تمويل أجنبي عشان إحنا نتهدم! عشان دينا يتهدم!

اتقى الله يا شيخ الفضائيات

بعد كدة الدين! بعد كدة ربنا! يجولنا عم الشيخ! يا عم الشيخ اتقى ربنا! يا عم الشيخ هو الصحابييات لما كانوا بيتخطبوا للصحابة، كانوا بيخرجوا مع بعض؟! لا، طب كانت الصحابية بتروح تسأل الرسول صلى الله عليه وسلم و حاطة ميكياج خفيف؟! لا، طب كانت الصحابية بتروح المسجد و حاطة برفان؟ لا طيب هو أم سليم و أم سلمى و نسيبة بنت كعب، الناس دى كلها كانت بتمشي في الشارع بتونيك و بنطلون و إيشارب؟ لا، إمال جنبنا الفتاوى مينين دى يا عم الشيخ؟! نتقى الله و إحنا بنكلم الناس في دينها، نتقى الله و إحنا بندل الناس على ربنا سبحانه و تعالی

ده سن الإحتجاب

الوقتى أنا عايز أكلم المتبرجات، أكلم مين؟ أكلم المحجبة حجاب أمريكاني! و الا أكلم المحجبة حجاب موديل 2005! و الا أكلم اللي كاشفة شعرها أصلا! و الا أكلم اللي لابسة لبس إلى حد ما و لكن لسة خطوات على الحجاب الشرعى السليم! أكلم مين و الا أكلم بنات ثانوى!

بنات ثانوى اللي بقوا جرح في قلب الأمة، الوقتي البنت بتاعت ثانوى دى الرسول عليه و الصلاة و السلام سماها إيه؟ سماهم "ذوات الخدور" يعنى البنات لما بيوصلوا السن ده بيعدوا في بيتهم عشان عيب إنهم يتكشفوا على رجالة، خلاص البنت هتتجوز، ذوات الخدور

الفلاحين يقولوا البنت استنخت، يعنى إيه؟ البنت استنخت يعنى وصلت للسن اللي تعد فيه في بيتها على ما يجيلها العدل بتاعها، فالوقتى طبعاً البنت اللي بتوصل ثانوى خدى يا بنتى هاتى بنطلون جيتز! استرترش! خدى يا بنتى اعملى شاعرك عند الكوافير! و خدى يا بنتى هاتيلك ميكياج و إنزلى يا بنتى! باب جديد من أبواب جهنم مفتوح على الشباب في الشارع البنت طلعت! إيه ده يا جماعة إحنا اتقلبنا من الحال ده للحال ده

نهاية بنت غير محجبة

دى لسة كتكوتة! دى لسة صغيرة! صغيرة إيه يا جماعة!!! حد ضامن عمره؟! أعرف بنت و كانت من أجمل بنات الجامعة، و كان كل أنظار الشباب حوليها، و مرة من ذات المرات وهى قاعدة تكلم الشاب... فجأة جاهها مغص، المغص بدأ يزيد، بدأ يشد، بدأ يبقى معاه ترجيع، جريت على الدكتور، فيه إيه؟ بيكشف لقي ده زائدة لازم يتفتح بطنها حالا! دخلت أوضة العمليات، خرج الدكتور بعدها يقولهم يا جماعة ده للأسف مطلعتش زائدة، ده طلع ورم خبيث أو ورم لعله خبيث أو مش خبيث، أما التحلل بعد كدة طلع إنه ورم خبيث شديد الخبيث

الجمال بدأ يزبل ، و يبدأ أصحابها يبعثوا عنها ، و بقت لوحدها ، و يبدأ المرض يأكل من جملها و يأكل من نصارتها لغاية ما بدأت تحتاج دم ، و وصلوا لدرجة إنهم مش لاقين دم !
 علقوا في الكلية بتاعتها إن فلانة الفلانية صحبتكم عايزة حد يتبرع بدم ، محدش راح اتبرعها بدم ، و بعد كدة إنتهى الأمر بعد اللف في مصر كلها و بعد رحلة الألم و بعد رحلة السرطان و ماتت و نفذت القضية ، و من فترة شوفت الشاب اللي كان ، شوفته راكب عربية و ماشى و مشغل أغاني على أعلى صوت !!! و ماشى بقرص جوة العربية !!! سبحان ربى ، إيه ده ؟ حد يضمن عمره !

عارفة بتأخدى كم سيئة من عدم حجابك !!!

إنتى مستنية إيه ! مستنية إيه ! مستنية إن موت الفجأة يجى يخدك ؟! مستنية إيه عشان تطيعى أمر ربنا سبحانه و تعالى يا جماعة أنا خايف إن واحدة تيجى في رقبنا يوم القيامة تقول : "إنتوا مكلمتونيش ليه ؟" "إنتوا محدرتونيش ليه؟" أختك تجيلك تقولك : "إنت محدرتينيش ليه؟" "إنكى مكلمتنيش ليه؟"

إنكى عارفة السيئات اللي إنكى بتخديها و إنكى خارجة متبرجة ؟! عارفة السيئات بتبقى أد إيه ؟ تخيلى إنكى إنتى بس مشيتى في شارع لو بصلك 100 بس ب 100 بصة بس يعنى كل واحد بص بصة 100 سيئة !
 طب تخيلى لو نزلتى الجامعة يا أختى ، الجامعة طبعاً الشباب اللي فيها بصة إيه ، لو من الألف دول ألف بس بصولك كل واحد هيبص كام بصة من الشباب 150 كدة 200 ، آدى 150 ألف بصايا خديتها ! 150 ألف سيئة ، ده غير لو واقفتى مع شلة خمسة ستة و قفتيلك ساعتين كل واحد على مدى الساعتين بصلك ! لو عديت النظرات دى تبقى ألف بصة ، يعنى حوالى 5 تلاف بصة

ده غير لو ربنا رزقك بشاب عنيه هيئة إرصاد ! جابتيك من فوقك لتحتك ربع ساعة ! شوفى إنكى خدتى أد إيه تخيلى يا أختى إنكى واخدة أد إيه ! إنكى عارفة إنكى راجعة بيتك بإيه ؟! لو نزلتى بالليل بس تتمشى و تتفسحى طبعاً ألاف الشباب اللي برة بتوع بالليل كل واحد هيبصلك مش هنقول 20 بصة 10 بصات ! هترجعيلك بحوالى 10 ألاف سيئة !!!

كل دى سيئات ! دى و لا حاجة ! ده إنكى لسة قبل كل ده و قفتى ساعتين قدام المرايا ! ساعتين تعدلى الأوضة تحت الطرحة ، و ساعتين تحطى البرفان و ساعتين تعدلى المكياج بتاعك و محدد شفائف قبل الروج ، و الكلام اللي إنتوا بتعدوا تعملوه ! و كل ده متسجل عليكى عشان تبقى جريمة مع سابق الإرصاد والترصد
عارفة بسببك حصل إيه !!!

و بعد كدة تخرجى الشارع ، واحدة بنت فى إعدادى شفيتك قالت : "إنا هطلع زيك" مادام إنكى ماشية كله بيبصلك كدة ، فى ميزانك شاب ملتزم جديد شافك إنتكس ! تلاقى فى ميزانك 50 شاب إنتكسوا ليه ؟ بسببك ، و 50 بنت خلعوا الحجاب ، أو مشوا عريانين ليه ؟ بسببك ، و تلاقى شلة بصت عليكى و إنكى ماشية كدة واحد منهم لما شافك شهوته ثارت راح عمل عادة سرية فى ميزانك !
 واحد منهم لما شافك راح زنا فى ميزانك ! واحد منهم لما شافك راح إنجوز عرفى فى ميزانك ! واحد منهم لما شافك نفسه اتفتحت قعد يبص طول الليل عالى رايجة واللى جاية فى ميزانك ! واحدة لما شافتك وهى لابسة حجاب

جديد فتنت بنظر الناس ليكي خلعت الحجاب بتاعها في ميزانك ! بنتك الصغيرة لما تكبر إن شاء الله تشوف صورتك وإنتي شابة صغيرة ، و تقولك إنتي كنتي كدة يا ماما أنا هطلع زيك أنا كمان في ميزانك !
شارون لو بص عليكى و شاف بنات المسلمين بالمنظر ده ، و فرح وقلبه ينشرح ! **يبقى إنتي شمتي أعداء الإسلام في الإسلام في ميزانك**

شاب ملتزم جديد ولسة خارج من الجامع بص عليكى خشوع الصلاة كله راح في ميزانك ! كل ده في ميزانك كل السيئات دى ميزانك !!! الساعتين اللي وقفنى فيهم قدام المرايا و أثمر كل ده ! كل ده على بعضه يجيلوا إيه مليون سيئة !!! و الله يا جماعة بيتهيلى أكثر من مليون سيئة في اليوم !!!
طب ده إنتي بقالك 5 سنين بالمنظر ده ! خمس سنين يعنى حوالى كام ؟ ألفين يوم ، ألفين يوم كل يوم بحوالى مليون سيئة !!! ده إحنا في مليارات الوقتى مش في ملايين !!! و لسة هتفضل على المنظر ده أد إيه؟! **وكل يوم عداد مفتوح و عداد شغال ليه ؟ لإها سيئات جارية !**

البت بتاعت إعدادى اللي لبست زيك اقتداء بيكى دى لآخر عمرها في ميزانك ! **إلا أن توبى إلى الله توبة نصوحة**

و الحل إيه ؟

الوقتى هل إنتي حاسة ياكتاب ؟ هل إنتي حاسة بضيق ؟ كنت في المستشفى من كذا يوم ، و معايا واحد زميلى يعنى فلاقيته زعلان ، مش عارف ياكل مضايق ، في إيه يابني ؟ أنا مكتئب طهقان ، في إيه يا أخى ؟ أصل أنا لسة خاطب من أيام و خطيبتى مضايقتى و تعباني و و زعلنا مع بعض ، قولتلوا يا أخى زعلتوا مع بعض ليه ؟؟ قالى حاجة بسيطة حاجة متذكرش أصلا ، قولتلوا يا أخى 30 سنة مصلناش الفجر في الجامع غير 20 ثلاثين مرة فيهم ، و ثلاثين سنة بصينا 100 ألف بصة حرام و سمعنا 10 تلاف أغنية حرام ! و بينهم سنتين تلاتة مبنصلش أصلا مكتأبناش و لاجالنا ضيق؟! و أول ما بنت قالتلنا كلمة صغيرة الضيق و الإكتئاب ركبنا !!! سبحان ربى ... قالى يا أخى : إنت هتجلبى إكتاب أكثر ما أنا مكتئب ليه ؟ قولت في نفسى سبحانك يارب ... **ده إحنا مش بس مش عايزين نتعب عشانك ! ده إحنا مش عايزين نزعل إن إحنا مبنتعش عشانك ! ده إحنا مش عايزين نحس إن إحنا مقصرين في حقك !**

تعرفى الرسول صلى الله عليه وسلم و صفك بإيه ؟

إنتي زعلانة الوقتى والا مش زعلانة؟! زعلانة ولا لأ؟! يا جماعة التبرج ده أنا مش عايز أقول إنه معصية ! **التبرج ده جريمة ، الإفساد اللي إنتي عملتيه للشباب و البنات ! و خدى بالك لو إنتي بإشارب بس عاملة كل اللي إنتي عاملها في نفسك مش هتبقى اللي يبصلك بنص سيئة ! إنما كاشفة شعرك بسيئة زيك زيها مادام بقيت فتنة ، ما دام فتنتى الشباب زيك زيها ! طب حكم رسول الله صلى الله عليه وسلم فيكى إيه ؟ بصوا الكلام ده بالذات ، مش كلامى أنا عايز أقولك حكم رسول الله صلى الله عليه وسلم في المتبرجة إيه؟! و إنتي قيسى على نفسك**
الرسول صلى الله عليه وسلم يصف المتبرجة:

1. بأها من أهل النار ، و أها لا تقرب الجنة بل لا تجد ريجها

2. بأنها ملعونة مطرودة من رحمة الله

3. بأنها زانية ولا يقبل منها صلاة

4. بأنها منافقة وأنها من شر هذه الأمة

5. بأنها من صاحبات الكبائر التي تعادل الزنا والسرقة والقتل

6. بأنها من جنود الشيطان

عمرك شوفتي ذنب الرسول صلى الله عليه وسلم بيعظم قدره لهذه الدرجة؟! عمرك شوفتيها؟! يبقى إعرفى الذنب ده خطورته أد إيه؟ الكلام ده أنت جيبتوا منين؟! جيبتوا من رسول الله صلى الله عليه وسلم، قال رسول الله صلى الله عليه وسلم "صنفان من أهل النار لم أرهما، قوم معهم سياط كأذنان البقر يضربون بها الناس، ونساء كاسيات عاريات مميلات مائلات، رؤوسهن كأسنمة البخت المائلة، لا يدخلن الجنة ولا يجدن ريحها، وإن ريحها لتوجد من مسيرة كذا وكذا" رواه مسلم

ده الرسول صلى الله عليه وسلم اللي قال كدة، و الرسول حطك صلى الله عليه وسلم مع الظلمة اللي بيضربوا الناس بالكراييح، ليه؟ لأن الأتئين إجرام، والإتئين هدم في الأمة، ما هما زمان لما حاربوا الأمة بالمدافع والقنابل رجعوا قالوا: الناس دى مينفعش معاها الكلام ده، الناس دى عايزة كأس... غانية! طب الغانية دى هنجيبها منين؟ مينفعش نستورد غوانى! يبقى الحل إن إنتى اللي تبقى غانية!

ترضى تبقى سكين يطعن الدين!؟

طب العفيفة الطاهرة حفيده عائشة وخديجة تبقى غانية إزاي؟ بسيطة أول مرة نعد نكلمها و التعليم والعلم و كشف الوش، و نكشفلها وش فلانة الفلانية في ثورة سنة كذا، و بعد كدة كشف الوش يبقى عادى! بعد كدة نترها مجالات الأزياء تبقى أزياء طويلة و بعد كدة تفضل تقصر تقصر تقصر! و بعد كدة تبدأ تظهر مجالات فاضحة هذا فستان يكشف مفاتن الظهر، و هذا فستان يكشف مفاتن مش عارف إيه!

يا جماعة على سنة 1940 كان المجتمع المصرى نساته منهاره! أشد من التبرج الموجود الوقتى، و نفعت المرأة المسلمة إنما تبقى الغانية اللي يهدم بيها الدين! ترضى إنك تبقى قبيلة تنفجر في كبد الدين!! ترضى إنك تبقى سكينه يطعن بيها قلب الدين! أديكى رضيتى! و أديكى وافقتى! وأديكى سكتى!

ترضى تكونى ملعونة... ترضى تطردى من رحمة ربنا؟

بعد كدة يا جماعة قال رسول الله صلى الله عليه وسلم "يكون في آخر أمتي رجال يركبون على سروج كأشباه الرجال، يتزلون على أبواب المساجد، نساؤهم كاسيات عاريات، على رؤوسهن كأسنمة البخت العجاف، العنوهن فإنهن ملعونات" حسن الرسول صلى الله عليه وسلم بيتنبأ بالسيارات اللي بيركبها الرجال "يتزلون على أبواب المساجد" تلاقى العربيات واقفة على باب المساجد، والرجال نازل يصلى في المسجد و بنته ومراته في البيت شكلهم إيه! "نساؤهم كاسيات عاريات، على رؤوسهن كأسنمة البخت العجاف، العنوهن فإنهن ملعونات" العنوهن فإنهن ملعونات! ترضى إن الرسول صلى الله عليه وسلم يقول عليكى كدة، دى اللعنة دى طرد من رحمة الله تطردى من رحمة الله سبحانه وتعالى

المتبرجة زانية طب إزاي !!

قال رسول الله صلى الله عليه وسلم: "أيما امرأة استعطرت ، فمرت على قوم ليجدوا ريحها فهي زانية ، وكل عين زانية" صححه الألباني البرهان ده تبرج ، و المكياج تبرج ، و الأوصة تبرج ، أى حاجة بتظهر زينة المرأة تبرج ، والإختلاط تبرج

"قوم ليجدوا ريحها فهي زانية" و قال رسول الله صلى الله عليه وسلم "لا يقبل الله من امرأة صلاة خرجت إلى المسجد وريحها تعصف حتى ترجع فتغتسل"... "وريحها تعصف" يعنى البرفان بتاعها ، برفان عاصف ، برفان صارخ

الرسول صلى الله عليه وسلم سمي المتبرجة منافقة !!!

قال رسول الله صلى الله عليه وسلم : "شر نسائكم المتبرجات المتخيلات ، و هن المنافقات لا يدخل الجنة منهن إلا مثل الغراب الأعصم" صحيح

التبرج من الكبائر

لما أميمة بنت رقيقة جت تباع النبي صلى الله عليه وسلم بايعها على إيه ؟ قال لها : "أبايعك على أن لا تشركي بالله شيئاً" مافيش كفر "ولا تسرقى ، ولا تزني ، ولا تقتلي ولدك ، ولا تأتي بهتان تفتريه بين يديك ورجليك ، ولا تنوحى" اسمع و اسمعى يا أختي "ولا تنبرجي تبرج الجاهلية الأولى" حسن مافيش تبرج يعنى عشان بس نخط إيديك فى إيد الإسلام كدة تبقى على عهد مع دين ربنا مافيش تبرج ده رقم واحد فى الدين ، و حط عدم التبرج مع عدم السرقة و عدم الزنا وعدم القتل...الكبائر يا جماعة...كل ده كبائر

ده مش حجاب أبدا

تحيل الرسول صلى الله عليه وسلم لما شاف واحد يبصلى ، فالصلاة بتاعته سريعة وحشة قالوا "ارجع فصلى فإنك لم تصل" صححه الألباني لو رسول الله شافك الوقتى أول حاجة مش هايبيعك مش هيرضى بيايعك ، تانى حاجة ارجعى فتحججى فإنكى لم تتحججى ! حنة الإيشارب ده مش حجاب فإنكى لم تتحججى ، زى الراجل اللى يبصلى بس ناقص ، أهوا ده حجاب بس حجاب نار ! يعنى يا جماعة الكلام ده لمن ؟ اللى ماشية خارجة من عند الكوافير ... اللى ضاربة شعرها فى الخلاط قبل ما تخرج متبرجة ، و اللى كاشفة شعرها و عاملاه مش عارف إيه على ، و لابسة بادى واسترتش و كعب متبرجة ، و اللى لابسة إيشارب بس لابسة جيبة ببيان نص رجليها لو قعدت و لابسة كعب معرفش 9 سم و لا 11 سم و برفان عاصف و مكياج عاصف كل ده تبقى برضه متبرجة

عداد سيئاتك شغال...احذرى !!!

إنتوا عارفين التبرج ده يا جماعة كام عداد شغال فيه ؟!!! إنتى عارفة كام عداد سيئات شغال و إنتى ماشية ؟!!! عداد النظر الحرام ليكى آدمى واحد ! الواقفة أدام المرايا آدمى اتنين ! عداد المكياج آدمى ثلاثة ! عداد البرفان أربعة ! عداد النمص : قال رسول الله صلى الله عليه وسلم "لعن الله النامصة و المتنمصة" صحيح خامسة ! عداد إفساد الشباب ، و إفساد البنات الصغيرين آدمى ستة ، ست عداد ات على الأقل شغالة سيئات و إنتى ماشية !!! عازرين نقول دلوقتى للأخوات مستننية إيه ؟! مستننية عقوبة ربنا فى الدنيا ، و الا مستننية عقوبة ربنا فى النار ، و الا مستننية عذاب القبر ؟! و الا مستننية أهوال القيامة ؟!

مستنية عقوبة الدنيا ؟

يا أختي في الله إني لكى ناصح أمين و الله العظيم ، إن العبد ليحرم الرزق بالذنب يصيبه ، و تحرمى رزق إيه ؟ إنتى عصيتى ربنا عشان تتجوزى الجزاء يبقى من جنس العمل يتأخر الزواج ! بل الوقتى المكياج قاعد يزيد والجواز يقل وكل ما المكياج يزيد الجواز يقل ، البنات تقول إيه ده ؟! ده لا بد إن السبب إننا مش متمججين ، نزود المكياج يزودوا المكياج الجواز يقل !

طب ليه ؟! هو ده سنة ربنا دى عقوبة ربنا سبحانه وتعالى ، **جزاء من جنس العمل** ، إحنا شايفين اللى ربنا عامله فى أمريكا تلت ولايات بالهوا ! هوا اعصار ! تلات ولايات بتتكسر و تندمر بالهوا بس ... سبحان ربى !!! ومليارات خسائر عشان ربنا سلط عليهم هوا بس

إنتى مش خايفة إنتقام ربنا ؟

مش خايفة إنتقام ربنا فى القبر ؟! لما هتترلى القبر تتخيلى إنك هتلاقى إيه فى القبر ؟ أول حاجة إنتى هتترلى القبر بتاعك و إنتى محجبة حجاب شرعى كامل ! لا يوجد له مثيل ! خمس أو ست لفات قماش ملفوف عليكى ، نقاب حتى مش خمار ، نقاب كامل ، مافيش برفان إلا لو حاطولك كافور ، مافيش مكياج ، مافيش أى حاجة خالص ! اللى كان يبجك فى الدنيا ، واللى كان يبصلك فى الدنيا مش هيقف على القبر بتاعك ربع ساعة ! حتى ربع ساعة و الله ما هيقفها !

و بعد ما بتترلى فى القبر !

لما الواحدة بتترلى فى القبر يا جماعة شعرها اللى كانت بتتعاجب بيه بيقع ! حواجبها و رموشها بتقع ! عينيها اللى كانت بتسبها و تكحلها بتتنفخ و بتنفجر و تسيل على حدودها ! مفاتن جسمها اللى كانت بتبرزها من تحت الهدوم الدود بيعد يأكل فيها شهور ! واجبة غذائية متكاملة العناصر للدود !!!

كل ملمح من الملامح اللى إنتى تزينتى بيها ضد دين ربنا سبحانه وتعالى كلها هتبقى فى القبر شكلها إيه ؟!! و اللى كان يبصلك فى الدنيا لو بص عليكى فى القبر هيقول إيه ده هيترب من المنظر والله يا جماعة

مطرودة من رحمة ربنا !

الرسول صلى الله عليه وسلم قال : **"العنوهن"** يعنى مطرودة من رحمة ربنا ، يعنى يوم القيامة فى وسط العطش و إنتى هتموتى من العطش عايزة مية من إيد النبى صلى الله عليه وسلم ممنوع ليه ؟! أصل دى رحمة و إنتى مطرودة من

الرحمة ، هتموتى من الحر عايزة وقفة فى ظل عرش الله ممنوع ليه ؟! أصل دى رحمة و إنتى مطرودة من الرحمة

ده إنتى هتدخلى تعرضى على ربنا إزاي ؟ تتميزى فى أرض الحشر !!! **"يَعْرِفُ الْمُجْرِمُونَ بِسِيمَاهُمْ فَيُؤْخَذُ**

بِالنَّوَاصِي وَالْأَقْدَامِ" الرحمان:41 هتدخلى تعرضى على ربنا كدة إزاي ؟! هتروحي تشربى من إيد النبى صلى الله

عليه وسلم من حوض النبى صلى الله عليه وسلم إزاي ؟ هيشوفك هيقولك : **"سحقا سحقا لمن بدل بعدى"** رواه

مسلم

إنّى مش حاسة بجهد الرسول صلى الله عليه وسلم؟!

النبي صلى الله عليه وسلم ضحي بحياته كلها عشان إنّى تطلعى مسلمة ملتزمة ، صبر على الأذى 23 سنة ليل نهار و الصحابة ضحوا بكل حياتهم و ما لهم وجهدهم عشان إنّى تطلعى مسلمة ملتزمة و تيجى على الحوض بالمنظر ده ! أحارب اليهود طول حياتى و إنّى تبقى سكينه فى إيد شارون يطعن بيها فى قلب الإسلام؟! ده أشد من شارون ! ده شارون بيقتل المسلمين بيدخلهم الجنة إنّى بدخليهم النار! ده شارون بيضيعلهم دنبتهم إنّى بتضيعلهم آخرتهم ! ترضى إنك إنّى تقومى بالدور ده ؟! ترضى؟!

ولو إنّى محتمرة أو منتقبة يبقى إنّى خنجر فى قلب أعداء الإسلام ، عايزة تبقى سهم فى قلب الإسلام؟! ولا سهم فى قلب أعداء الإسلام ؟ عايزة تبقى إيه؟!

هتعدى إزاي من على الصراط؟!

هتعدى إزاي؟! اوعى تستهينى ! يا جماعة آدم خرج من الجنة بثمرة ، يا جماعة ابليس طرد من رحمة الله بسجدة ، يا إخوانا فيه امرأة حبست فى النار بمرة ، يا أختى فى الله فيه رجل هوى فى النار سبعين خريف بكلمة ! محدش يستهين ، قبرك يا أما روضة من رياض الجنة ، يا أما حفرة من حفر النار ! بتبرجك ده ملك اليمين ولا ملك الشمال اللى بيكتب ؟ و لو ملك الشمال اللى بيكتب يبقى قبرك هيبقى إيه؟! هتعملى إيه هتستحملى عذاب الله إزاي فى النار؟! مستنية النار؟! إنّى مستنية إيه؟!

مستنية جــــــــــــــــهم؟!

ده حر نار الدنيا اللى هى الشمس ، أكثر حاجة فى نار الدنيا ، الواحد ساعات والله يا جماعة بيص قدام الفرن وهو مولع يقول يا إلهى لو واحد اتقال له إنت هتدخل تعيش هنا هيجر جر إزاي و هيقاوم إزاي و هيتسحب على وشه إزاي !!! منظر مفزع هتستحملى إزاي؟!

أنا عايزك بس قبل ما تحطى مكياج تروحي المطبخ ، حطى المرايا فى المطبخ ، بلاش تحطيتها فى أوضة النوم حطيتها فى المطبخ ، ولعى البوتجاز و حطى إيدك على الشعلة لو استحملتيتها حطى مكياج !

إزاي تجرؤى مش إزاي ترضى إن جسمك بيان ؟ إزاي تجرؤى إن جسمك بيان أو مفاتن جسمك تبان و لو من تحت الهدوم ؟

ألم تعلمى أن طعام أهل النار نار ؟ ألم تعلمى أن ثياب أهل النار نار ؟ ألم تعلمى أن فراش أهل النار نار ؟ ألم تعلمى أن شراب أهل النار نار ؟ إنّى مش عارفة إن هى نار ولا إيه ؟ مش عارفة إن هى نار !!!

يا أختى كبرى فى أى حاجة إلا فى مصيرك ، إنما ما تستهتريش بمصيرك و إنّى واقفة بين ايدين ربنا سبحانه وتعالى غير يا جماعة نار الشمس دى نار الدنيا ، الشمس من على بعد 93 مليون ميل ، نار القيامة الشمس من على بعد ميل يعنى فرن نار جهنم 70 مرة قد الشمس بس مش على بعد ميل و العياذ بالله ، والعصاة جواها بيتشوا فيها و العياذ بالله ، مين اللى يستحمل هذا الحر؟!

و إيه هو الأكبر جهنم ولا الجنة؟ الأكبر الجنة بما لا يوصف من المساحة ، جهنم أصغر من الجنة ، طيب عدد أهل الجنة أكثر ولا عدد أهل النار؟! عدد أهل النار 999 قصاد كل واحد ، غير ملايكة العذاب هنا وملايكة الرحمة هنا ، يعني عدد أهل النار أكثر بكثير جدا

طب حجم الكافر في جهنم أكبر ولا حجم المؤمن في الجنة؟ المؤمن في الجنة سبعون ذراع ، إنما الكافر في جهنم كما صح عن رسول الله صلى الله عليه وسلم ضرسه مثل جبل أحد ، لما الواحد يعد يتعور في جلده الجلد بيتخن ، يفضل يتخن لغاية ما ضرسه يبقى مثل جبل أحد!

يعنى تخيل النار دى صغر حجمها مع كبر عدد اللى فيها مع عظمة اجساد اللى فيها! يعنى ده كرسية فوق بعضه ده مش بس حر نار "فَالَّذِينَ كَفَرُوا قُطِّعَتْ لَهُمْ ثِيَابٌ مِّن نَّارٍ" الحج: 19 ده نوع من أنواع العذاب تخافى إن هو يتعمل فيكى والا لأ؟! طب ما يتعملش فيكى ليه؟ الجزء من جنس العمل "قُطِّعَتْ لَهُمْ ثِيَابٌ مِّن نَّارٍ" قصاد ثياب التبرج اللى لبستها! "يَصَّبُ مِنْ فَوْقِ رُؤُوسِهِمُ الْحَمِيمُ" الحج: 19 قصاد من فوق رأسك اللى إنتى عملتية على شعرك "يَصْهَرُ بِهِ مَا فِي بُطُونِهِمْ وَالْجُلُودُ" الحج: 20 الجلود من برة جسمك اللى بينتية ، يبقى الداخلى والخارج كل ده عذاب فى جهنم

تحي تكونى من أهل النار؟

ده غير إن الرسول صلى الله عليه وسلم قال إيه؟ "صنفان" من إيه؟ "من أهل النار" أهل النار يعنى إيه؟ لما أقولك أهل هذا البيت يعنى مش ساكنين بقاهم يوم دول بقاهم سنين ، عشان يبقوا من أهل هذا البيت يعنى القعدة فى جهنم لذنب التبرج سنين طويلة ، و أهل البيت يعنى اللى عمرووا الصالون وعمرووا الأنتريه و عمرووا الحمام وعمروا المطبخ ، يعنى البيت كله أهل بيهم ، يعنى جميع أنواع العذاب فى جهنم للمتبرجة والعياذ بالله

طب مين اللى يستحمل العذاب ده؟! وليه و إيه اللى يستأهل؟! و مستتية إيه عشان تفرى من هذا العذاب؟! مستتية إيه؟! كل العذاب ده و كل هذا العذاب و كان ليكى قصر فى الجنة ضاع عليكى ، إنتى الوقتى بيت النار بتاعك أهو!

كل النعيم ده تضيعيه!!

و بيت الجنة؟! امرأة عفيفة طاهرة نقيه هى اللى ساكنته ، إنتى لو أطعتى ربنا وتعفتى جمالك فى الجنة هيبقى لا يوصف ، لما تقرأى نصوص جمال الحور العين هيجوا دول إيه فى جمالك؟! شعرك هيبقى جماله شكله إيه؟! ده النضيف الخمار على الراس كدة خير من الدنيا و ما فيها ما بالك لو الشعر اتكشفت عنيكى شدة سواد الننى و شدة بياض العين و شدة وسع العين و شدة جمال و رسمة العين هيبقى شكلها إيه؟! ثعرك هيبقى جماله شكله إيه؟! ده إنتى ريقك لو تفلنى فى البحر يبقى عذب ، زوجك قوته يعنى و حبه ليكى و حنانه عليكى ، كل النعيم ده تضيعيه ليه؟! فيه يا جماعة نساء قضوا حياتهم كلها ، حياتهم تروح بس حياهم ميروحش!

ثبات عجيب... وأنتى!!!

امرأة كانت فى سفينة فى البحر وهى جاية إلى مصر ، و السفينة بتغرق و جوزها بيشدها من الأوضة عشان تطلع

تجربى ، قالتله لا أجرى أجيب النقاب بتاعى ! قالها هتغرقى ، قالتله : "إلا نقابى أنا أموت و أنا لابسة النقاب بتاعى و ألقى الله بالنقاب أشرف لى عند الله سبحانه وتعالى" و صممت إنها تتزل تجيب النقاب بتاعها !

يعنى فى أخوات كتير الواحد يعرفهم يا جماعة بيلبسوا النقاب على السلم من شدة حرب أهاليهم عليهم ، و تصميمهم على لبس النقاب بيلبسوه على السلم ! عشان ميقولوش لأهاليهم أو عشان أهاليهم ميحربوهموش

قصة توبة شمس البارودى

شمس البارودى كانت إيه؟! بس لما ضاقت أول مرة لبست الحجاب الشرعى و كانت مسافرة تعمل عمرة ، أول مرة فى حياتها تلبس اللبس الشرعى و هى بتطوف حوالين الكعبة ، بتقول فأخذت دموعى تنهمر أول مرة تجرب الإحساس الرائع ده ، الإحساس المبهر ده

فليقولوا عن حجابى يقولوا اللى هما عايزين يقولوه يتريقوا يسخروا... لا و ربى لن أبالى ، لن أبالى باللى هيقولوه صحباتى ، أو اللى هيقولوه أهلى و الا اللى هيقولوه خطيبى ، و الا اللى نفسى هتوسوس بيه ليا ، لا و ربى لن أبالى قد هماني فيه ربى و حبابى بالجلال ، ملكة النقبة دى أو المختمرة و الله العظيم ، بتبقى ماشية ملكة ، منظر ملكى ، إيه اللى يجرمك من هذا المنظر الملكى ؟ إيه اللى يجرمك ؟ و تابت إلى الله و بقت إيه؟! بقت داعية إلى الله سبحانه وتعالى ، ربنا أكرمها هذا الكرم

الحقى اركبى فى قطار التوبة

فاعيزين نتوب إلى الله عايزين نتوب ، القطر لسة الوقتى فى المحطة ، إحنا واقفين فى محطة التوبة و القطر لسة مهدى وواقف شوية و القطر هيروح و لو راح القطر خلاص مش هنلحقه تانى!!! فرعون ماتيش و لما القطر عدى و جه يتوب ويقول "آمَنْتُ أَنَّهُ لَا إِلَهَ إِلَّا الَّذِي آمَنْتُ بِهِ بَنُو إِسْرَائِيلَ" يونس:90 جبريل بيقول لسيدنا محمد عليه الصلاة والسلام فلو رأيتنى يا محمد و أنا أضع الطين فى فمه مخافة أن تدركه الرحمة ، ليه ؟ خلاص القطر فات عليه عايز يركب بعد ما القطر فات ، ماعدش ينفع ! فإلحقى اركبى فى قطر التوبة قبل أن ينفذ هذا القطار

عفاف الصحابيات

ده إحدى الصحابيات أم سلمى بتقول للرسول : يا رسول الله الإزار بتاع الرجال لغاية الكعنين ، طب إحنا نعمل إيه؟! قالها : "يرخين شبرا" صححه الألبانى طولى شبر شوية ، يعنى تبقى العباية دى كدة هتوصل للأرض ، قالتله : "إذن تنكشف أقدامنا" دى خايقة إن مشط رجلها بيان ! شافين العفاف يا جماعة

فأفكرة المرأة اللى كان عندها صرع ، اللى راحت للرسول قالت له : "يا رسول الله... فادعوا الله لى" قالها : "إن شئت صبرت ولك الجنة" رواه البخارى اصبر آه الجنة ، بس يا رسول الله أنا بتكشف يا رسول الله ، أنا بتكشف لما بتجلى نوبة الصرع ، صبرت على الصرع و لم تصبر على التكشف ، صبرت على مرض التشنجات وعض اللسان و نرف الدم من اللسان ! و مصبرتش على إن جزء من جسمها بيان ! و هى مريضة معذورة مش بمزاجها ! يبقى إحنا نعمل إيه؟! و إحنا هنروح فى!!!

السيدة عائشة بتقول : "رحم الله نساء الأنصار ، لما نزلت "يَا أَيُّهَا النَّبِيُّ قُلْ لَأَزْوَاجِكُمْ شَقِيقَاتُكُمْ مَرُوطُهُنَّ، فَاعْتَجِرْنَ بِهَا" مستنوش يروحوا تانى يوم ينأوا طرح...لالالا... كل واحدة طلعت ثوب من أثوابها شقيقته نصين فأختمرن به

في ثانية ، لا واحدة قالت استنى لما ليلة العمر أعيشها على مزاجي ، و الا واحدة قالت استنى لما اتمتع بجمالي شوية ، و الا واحدة قالت عشان ألبس أجمل فستان في أجمل ليلة في عمري و الا واحدة قالت لا المكياج ، و مش هيجيلي عريس مناسب لو محطتش مكياج ، و الا واحدة قالت جوزي مش راضي و الا خطيبي مش راضي و لا فكروا في الكلام ده خالص ! على طول قال الله ، سمعنا وأطعنا فوراً ، فإنتي مستنية إيه؟! بعد كل ده مستنية إيه؟! إيه اللي إنتي منتظراه من الله سبحانه وتعالى؟!!

لو حد شافك حيعرف إنك مسلمة؟!!

"وَلَا تَبْرَجْنَ تَبْرَجَ الْجَاهِلِيَّةِ" الأحزاب: 33 عارفين يا جماعة تبرج الجاهلية الأولى كان إيه؟ حد منكم يعرف تبرج الجاهلية الأولى؟ يعني كانت المرأة بتلبس الطرحة على راسها ، يبدو حطة كدة في مقدمة راسها وعنقها ، إنما لا عمرنا سمعنا إن مرات أبو جهل لبست بادي و الا مرات أبو هب لبست اسريتش! و لا والله كانوا يرضوا يلبسوه و الله اللبس اللي بتلبسه المسلمة دي الوقتي والله ما يرضوا يلبسوه! المسلمة الوقتي مبتتعرفش من غير المسلمة في الشارع من كتر اللبس اللي هي لبسها ، من كتر ما هو ليس بعيد عن دين الإسلام و ملة الإسلام و عن رضا الله سبحانه وتعالى

السيدة عائشة دخل عليها ستات لابسين نقاب بس رقيق شوية قالتلهم : "فليس هذا بلباس المؤمنات" دول ما كانوا لابسين الحجات اللي فوق دي و لا الحجات اللي برة دي ، دول لابسين نقاب! بتقولهم ده مش لبس المؤمنات المؤمنات تلبس ثياب ثقيلة متصفش عن صفات جسمهم من تحت ، هوا ده لبس المؤمنات إمال لو السيدة عائشة جت دلوقتى و شافت ده هتقول إيه؟! هتقول ده ثياب إيه؟! يا أختي في الله توبى إلى الله وأول خطوة ده بس ايشارب؟! ده تبرج الجاهلية يا جماعة ، اللي إنتي هتلبسيه ده الخطوة الأولى بتاعتك ، يعني متستنيش إن الشيطان يضحك عليكى

حجابك عداد حسنات

الحجاب يا جماعة عداد حسنات شغال بلا توقف ، كل واحد كان هيبصلك لو متبرجة و مبصلكيش لأنك محجة خدتى حسنات ، المليون حسنة اللي إحنا قولناهم ، البنت بتاعت إعدادى إذا شفتك باللبس ده قالت هطلع زيك في ميزانك ، واحدة تانية متبرجة شافيتك قالت هطلع زيك بيبقى منظر جميل منور كدة في ميزانك يا بختك عند ربنا ، يا بختك بقصرك في الجنة ، يا بختك بقربك من رضا الله سبحانه وتعالى ، يا بختك بعدد الحسنات اللي إنتي خدتيها ده عداد حسنات لا يتوقف! شغال طول ما إنتي محجة ، عبادة مستمرة ، عبادة طول ما إنتي ماشية بالحجاب بتاعك طول ما إنتي قاعدة تحدى حسنة! عكس الثانية ، عكس المتبرجة

او عى الشيطان يضحك عليكى!

يبقى إذن يا جماعة مش عايزين نستنى ، يا أختي هتستنى أما الشيطان بيجى يقولها و هى لسة بنت كدة إنتي لو محطيتش مكياج مافيش عريس هيجيلك ، ومحدش هيبصلك و هيجيلك عريس أى كلام ، طيب جاها عريس و اتخطيت لا حماك لو شفيتك من غير مكياج على طول هيهرب منك ، و لو شافك من غير مكياج خلاص معدش

هيبقى ليكى قيمة عنده ! طب بعد ما تتجوز ده البنات مالية الشارع افضل حوطى مكياج فى الشارع عشان جوزك يفضل يشوفك جميلة ! "تعمس عبد الدينار و الدرهم" رواه البخارى تعسة عبدة المكياج ، المكياج هو اللي بيعمل وضع وسط المجتمع ! و المكياج هو اللي هييجلى عريس حلو ! و المكياج هو اللي هيخلى جوزى يجنى ومبيصش لغيرى ! و المكياج هو اللي هيخلى بنت ستايل ! يا جماعة ذالكم الله اللي بييجب عريس و بييجوز و يبسعد ، هو الله سبحانه وتعالى

هل يستويان ؟

واحدة كحلت عينها بواحدة غطت عنيا؟! واحدة كحلت وزوقت شفيفها و حدودها بواحدة غطت شفافيها و حدودها؟! واحدة وشها طاهر نقى ماء الوضوء هو اللي غسله مافيش أى مكياج عليه بواحدة حاطة مكياج صارخ حطة حوالى 15 و الا 10 أنواع مكياج فى وشها؟! لو عدناهم هنلاقيهم فوق العشرة ! هل يستويان ؟ "فَأَيُّ الْفَرِيقَيْنِ أَحَقُّ بِالْأَمْنِ" الأنعام:81 مين اللي أحق إنها تقول العريس هييجلى ؟ دى والا دى ؟ أى دفعة من دفعات الجامعة لو جيتوا تشوفوهم بعد سنتين من التخرج تلاقى كل الملزمات تجوزوا ، طيب و الأخوات التانين للأسف قاعدين! طب ليه 99% من الحالات بتلاقيها بهذا المنظر؟!

دلوقتى الشباب عادوا بيخافوا ! اه والله يعنى دى كلمة يا أختى بقولها لك بصراحة ، الشباب بيخافوا ! يعنى كان فى واحد ماشى ورا مجموعة بنات كدة داخل سكشن ، فواحد صاحبهم كان لسة خاطب فلقاتهم بيقلوا إيه ؟ هما يفضلوا يكلمونا و يمشوا معنا و يضحكوا معنا ، و أما يجوا يجوزوا يروحوا يشوفوا غيرنا ! بيتكلموا بقهرة وهى دى الحقيقة ، و كان ولد يعنى قبل ما يلتزم بيتكلم مع بنت فى النادى فبتقولوا إنت هتتجوز؟! قالها أنا لا يمكن أتجوز بنت من النادى قائلته ليه؟! طبعا اتغاظت ! قالها : بنات النادى - إحنا مش بنشتم فى بنات النادى - أنا بقولك رأى الشباب ! أنا مش بقول رأيي ، أنا بقولك الشباب بيفكروا إزاي؟! بقولك الشباب بيصوا إزاي لأم بنطلون تبرجك من هيغير القدر اللي اتكتب من الآف السنين

اوعى حد يضحك عليكى ، اوعى الشيطان يضحك عليكى ، اوعى الشيطان يلعب بعقلك ، يا أختى فى الله الكحل مش هيغير اسم اتكتب من خمسين ألف سنة ، الآى لاينر والآى شادو مش هيغيروا اسم اتكتب من خمسين ألف سنة ، الروح وكريم الأساس مش هيغيروا اسم اتكتب من خمسين ألف سنة ! مافيش حاجة هتغير قدر الله سبحانه وتعالى ، خليكى مع الله ، خليكى مع ربنا سبحانه وتعالى ، الله قادر ، الله بقدرته نجا إبراهيم من النار مييجلكيش عريس؟! الله بقدرته شق البحر لموسى مييجلكيش عريس؟! اقفى قدام المرايا كدة وإننى بتعدلى الحجاب بتاعك ، و بتعدلى نفسك عشان مافيش حاجة من جسمك تبان ، قولى عشانك يارب أنا عملت كدة ...عشانك يارب ، و من ضحى لله بشئ عوضه الله ما هو خيرا منه

انتى عارفة عظمة من تعصيه؟!

خليكى انسانة تقية لله ، خطيبك والا ربنا؟! جوزك والا ربنا؟! أهلك و صحابك والا ربنا؟! عايزين نفكر تفكير حقيقى يا جماعة ، تفكير نقف بيه بين ايدين ربنا سبحانه وتعالى ، اقفى فى الدور الخامس و بصى على واحدة

صحبتك تحت صغيرة ، طب من الدور العاشر صغيرة ، طب اقفي من برج القاهرة زى النملة ، طب من فوق سبع سموات إنتوا باينين أد إيه؟! إنتوا إيه من فوق سبع سموات؟! الله قدرته عليكم شكلها إيه؟! أنا عايزك تلبسيه حب الله سبحانه وتعالى فأنا مش عايزك يا أختي تحسى إني بشد عليكى ، و الله يعلم الله سبحانه وتعالى كل ده خوف عليكى و كل ده شفقة عليكى من عاقبة هذا الذنب العظيم ، بل عاقبة هذه الجريمة العظيمة **طب المكياج؟**

البت تقولك إيه يعنى المكياج الخفيف؟ إزاي يا بنتي؟! ربنا يقول **"وَأَلْقَوَاعِدُ مِنَ النِّسَاءِ اللَّاتِي لَا يَرْجُونَ نِكَاحًا"** النور: 60 اللي عندها 70 سنة **"فَلَيْسَ عَلَيْهِنَّ جُنَاحٌ أَنْ يَضَعْنَ ثِيَابَهُنَّ غَيْرَ مُتَبَرِّجَاتٍ بِزِينَةٍ وَأَنْ يَسْتَعْفِفْنَ خَيْرٌ لَهُنَّ وَاللَّهُ سَمِيعٌ عَلِيمٌ"** النور: 60 يعنى بشرط ميحطوش زينة ، بشرط إنهم ميمكيجوش اللي عندها سبعين سنة ربنا حرم عليها المكياج و هيحلهولك إنتى بأى تفكير يا جماعة؟!

البنات فعلا مستعبدات للمكياج بيتهيئها إن المكياج ده اللي هيجوزها! و الله هذا كذب ، وأكثر من تلت تربيع أو نص المسجد اللي قاعد قدامى دول لو شاف واحدة - ساعة ما يجي يجوز - فى وشها نقطة مكياج ما هيجوزها! يا جماعة خلاص يا أختي فى الله ما عدتش هذه نظرة الشباب المتدين ، و اللي مش متدين ربنا معاقبه بذنوبه معهوش فلوس فمبيجوزش

يعنى هيجيلك الشيطان - الحقى قبل ما الشيطان يجيلك ويضيع نور الإيمان اللي دخل قلبك و بدأ صدرك ينشرح للإيمان - هيجى يقولك : خطيبك لو إنتى مخطوبة مش هيوافق! طب لو خطيبك قالك مش هاجيب أوضة سفرة هتقولى معلى أصله مش هيوافق؟! هتعملى إيه فى ده؟! فى جوازات بتبوظ بسبب النيش بتاع الكوبيات ده ، يعنى إنتى اشمعنا اصريقى فى حاجات الدنيا أوى؟! طب لو إنتى اتقدملك واحد خطبك وقالك إلبسى نقاب هتلبسيه!
يعنى عشان البشر تلبسى وعشان ربنا ماتلبسيش!!!

طب هتقوللى جوزى! يا جماعة إنتوا بتلاقوا الأخوات فى بيوتهم مبيحطوش مكياج أصلا ، و أما تيجى تخرج تخط مكياج كامل! طب جوزك فى بقى؟! ما هوا لو جوزك هتخطيله فى البيت ، إنما ده إنتى بتخطى وإنتى خارجة برة البيت مش وإنتى جوة البيت
إثبتى وشوفى ثبات المسلمات!

الشيطان هيروح لأهلك طبعاً - هوا هيسيب أهلك؟! هوا هيجلى أهلك وصحباتك و كل معارفك و قرياتك؟! - إنتى هضيعى نفسك يا بنتى! إنتى هتستشخى! إنتى هضيعى جمالك! اقفى و اصمدى ، اوعى تسيبى اى حد يآثر فى عزمك و اقبالك على الله سبحانه وتعالى اوعى حد يخوفك

"يا مُوسَى أَقْبِلْ وَلَا تَخَفْ" القصص: 31 اقبلى - ولا تخافى - على الله سبحانه وتعالى ، شوفى المسلمات ضحوا بيايه؟! أم سلمى ضحت بجوزها و إنها عشان ربنا ، و أم سليم ضحت بمهرها و شبكتها و قالت مهرى الإسلام عشان ربنا ، و مين كمان؟ سمية طعنت من أبى جهل بعد ما عذبها عشان ربنا ، و ضحيت بحياتها كلها عشان ربنا
ماشطة امرأة بنت فرعون ضحيت بولادها ، يترموا فى الزيت المغلى قدامها عشان ربنا

هم قدموا للشيطان... إنتى هتقدمى إيه عشان ربنا ؟

أهل الباطل : البت اللى ماشية بإسترتش و بادى ، ألف شاب بيترياً عليها فى كل نزلة و بتنزول برضه بالمنظر ده !
طب ما تستحملى إنتى عشان ربنا سبحانه وتعالى ، أول واحدة خلعت الحجاب دى خدت تربة أد إيه ! و خدت
شتيمة أد إيه ! و خدت معارضة أد إيه ! أول واحدة لبست استرتش خدت سب من المجتمع كله ومن أهلها أد إيه
و استحملت عشان الشيطان و عشان هواها ! إنتى متستحمليش عشان ربنا سبحانه وتعالى و هتستحملى لأجل
محدود لغاية ميتقدملك واحد ملتزم طول ما إنتى ملتزمة هيتقدملك المتزمين يتقدملك واحد ملتزم سعتها فعلا
هدوقى الجنة فى الدنيا

إنما تتجوزى شاب تافه ! من يومين شاب البابى بتاعه جابله تيلفون بكاميرا ، فشاف بنت حلوة ماشية مع مامتها
فجرى عايز يصورها إذا سمحتى يا عمتو بس سببى اصور !!! فالست بتزق فيه ، بتزوقينى إزاي ! أنا بعمل إيه أصلا
غلط ! فبدأ يرقها و يصور غصن عنها ! لغاية ما صور الصورة غصن عنها بقت شاكلة والولاد داخله فى بعض !
واحد كتفه التلع ! شايفة التفاهة ! شايفة السفاهة ! شايفة التدنى إيه ده !
عايزة تتجوزى واحد كدة حطى مكياج ! لو هيا دى النوايا اللى إنتى عيزاها حطى مكياج زى ما إنتى عايزة ! و
اعملى وخافى من خطيبك وخافى من جوزك و لكن لا تخافى من الله سبحانه وتعالى !!!

طب لو أنا عايزة اشتغل ؟

ده أنا دكتورة اشتغل إزاي و أنا لابسة نقاب ؟ يا جماعة الجراحين والجراحات بيقفوا فى أوضة العملية لابسين نقاب
عارفين كدة والا لأ ؟ يلبسوا البناع اللى بيغطى لغاية العين ... نقاب ! لاهيا بتقول نفسى اتخنى و اتكتم منه و لا
هو يقول ! محدش يقول كدة ليه ؟ عشان الضرورة الطبية ، عشان حماية النفس من أخطار الدنيا
طب حماية النفس من أخطار الآخرة ، لقاء الله و إنتى عاصية لله سبحانه وتعالى

يعنى أى شبهة هتقولها ، أى مانع فى صدرك ، أى حاجة الشيطان هيقولها لك أنا عايزة أتمتع بشبابى و ليلة العمر!
ليلة العمر إيه يا بنتى ؟! و عبال ما تتجوزى إيه ؟! البنات كانوا تحت العمارة فى دمياط ، العمارة وقعت فى ثانية !
كان منهم نصهم يقولوا هنتحجب أما نتجوز ! ملحقوش يتحجوا قبل ما يتجوزوا ! و الا لحقوا يتجوزوا أصلا !!!
حد يضمن أجله ساعة واحدة بس عشان يقول أما ؟! إنتى بتسوفى فى جريمة ! فى كبيرة من الكبائر و العياد بالله !
فسأل الله سبحانه و تعالى أن يعف أخواتنا ، ونسأل الله سبحانه وتعالى أن تشرح صدور الأخوات لمثل هذا الكلام
، فاعى تستنى ، و اعى نفسك تضحك عليكى ، و اعى الشيطان يضحك عليكى و متستنيش

شروط الحجاب الشرعى السليم

1. الإيشارب بتاعك يكون طرحة سابغة تغطى حوالى نص جسمك يغطى النص فوقانى ، يا جماعة مش شرط لما
بقول حمار مش شرط صورة الحمار اللى إحنا بنشوفها ، لو لبستى المواصفات اللى أنا بقولها هتبقى إنتى إن شاء الله
محجة

2. مبيقاش مخرم و مثقوب ! مبيقاش إيشارب صغير و تدخليه من جوة الهدوم ! و جزء من صدرك بيان ! مبيقاش
مطرز مبيقاش الوان الطيف !

3. العباية عارفة اسدال الصلاة اللي إنتي بتلبسيه ؟ اهي دى بالظبط ، إنتي واقفة بين ايدين ربنا ياسدال الصلاة

وإنتي واقفة بين ايدين ربنا وإنتي في الشارع نفس اسدال الصلاة

ربنا سبحانه وتعالى يقول " **وَلْيَضْرِبْنَ بِخُمُرِهِنَّ عَلَىٰ جُيُوبِهِنَّ**" النور: 31 و يقول " **يَذُنَّ عَلَيْهِنَ مِنْ جَلَابِيهِنَّ**"

الأحزاب: 59 جلابيهن مش تونيك و الا بنطلون و الا بلوزة ، جلابيب جلاب عباية واسعة سابعة ، هو ده

اللبس بتاعك

"لا تصف ولا تشف" يعني إيه ؟ "لا تصف" يعني مش مبيينة و لكن معرفة الناس ملامحك ، يعني بتبين ملامح جسمك

من تحت ، طب يعني إيه "لا تشف"؟ يعني بتظهر ، يعني زى الشيفون كدة مبين اللي تحتها والعياذ بالله

كإن المرأة ماشية عارية في الشارع !

الرسول عليه الصلاة والسلام أهدي الى أسامة ثوب ثقيل ، فلما لقي سيدنا أسامة ملبسوش قاله : " **مالك لم تلبس**

القبطية" حسن فقال : " **كسوتها امرأتي** " ، الرسول قاله : " **مرها فلتجعل تحتها غلالة**" حسن الثوب الكثيف ده تلبس

تحتة ثوب تاني ، شوف الرسول قال إيه ؟ شوفي كلمة رسول الله عشان تعرفي شروط الحجاب من لسان رسول الله

صلى الله عليه وسلم : " **فإني أخاف أن تصف حجم عظامها**" حسن أنا خايف تبين حجم عضمها من تحت الهدوم ،

يعني إيه؟ يعني الجلابب ده العباية دى ميعرفش اللي بيصلك إنتي تخينة و الا رفيعة ؟ شرط يا جماعة

ده الحجاب اللي ميفتنش ، أى حاجة تانية هتفتن اللي بيصلك ، وغالب الأخوات بتلاقيها كدة فعلا ، متعرفش هي

تخينة ولا رفيعة...ياااه ، حتى الأخ ممكن يتقدم لأخت يحسبها رفيعة جدا ، و يفاجأ بعد الجواز ... بتحصل والله

ابقوا خدوا بالكم من الموضوع ده كويس فلا تشف ولا تصف

4. يعني عشان أكلمك بصراحة من عند الصدر من أعلى ميقاش واسع ، طب الوسط ؟ مافيش وسط ، مافيش

حاجة اسمها وسط للعباية اللي إنتي لبساها ، ووسط دى يبقى إنتي دخلتي في تفصيل الجسم

والطول بتاعه ؟ طويل بحيث إنك لو قعدتي جزء من رجلك ميبنش ، طب ألوانه ؟ إلبسى اللون اللي إنتي عايزاه

ولكن إياكى و الألوان اللي هي داخله في بعضها و الحاجات الغريبة والكاروهات ! إياكى وهذه الألوان العجيبة

وحاجات ملفتة تخطف عين أى حد بيصلك

مفسدات الحجاب

1. البرفان ، العطر 2. المكياج بكل أنواع المكياج بما فيه المونيكير 3. الكعب العالي

التلت حاجات دول مفسدات للحجاب ، يعني متيايش عاملة زى اللي صامت لغاية العصر ! مينفعش لازم تكملى

للمغرب ، صلت الظهر ركعتين ! مينفعش لازم أربع ركعات ، حجاب شرعى كامل

درجات الحجاب

يا جماعة تلت درجات : في حجاب المرأة الصالحة ، و في حجاب المرأة المصلحة ، و في حجاب المرأة السابقة **حجاب**

المرأة الصالحة : اللي هتلبسى عباية واسعة ، و هتلبسى ايشارب كبير وواسع ميبنش جزء طبعاً من مقدمة شعرك

ابدا ، و اللي هيشوفك هيقول دى بنت محترمة و بنت ملتزمة ده حجاب الصالحة

حجاب المصلحة : اللي هو النقاب ، أو الخمار اللي حتى لابسة معاه جوائتي ، اللي بيبقى منظر كدة اللي يشوفهم يقول ده الإلتزام إنتشر ، مش يقول إنتى كويسة ... لا يقول ده الإلتزام إنتشر في المجتمع ، عنوان على الإلتزام بقتي عنوان على دينك

النقاب شرف ليكي

أنا دايمًا بقول يا خمار يا نقاب ، إنما خدوا بالكوا النقاب ده يعني زوجات النبي صلى الله عليه وسلم كانوا لابسين إيه ؟ نقاب ، بنات النبي كانوا لابسين إيه ؟ نقاب ، زوجات الصحابة كانوا لابسين إيه ؟ نقاب ، بنات الصحابة كانوا لابسين إيه ؟ نقاب ، النساء المسلمات ألف و 400 سنة لغاية ثورة 19 كانوا لابسين إيه ؟ نقاب يعني يا جماعة كلمة النقاب دي مش كلمة سهلة ، النقاب ده شرف ليكي ، بس مش المنقبة اللي تلاقيها مغطيه بؤها و باقى وشها ، أو تلاقيها مغطيه نص وشها و كاشفة نص وشها !!! كإها مترددة النقاب اللي فرض و لا الخمار ، فقلت آقف في النص ما بين الاتنين ! لا يا جماعة النقاب الحقيقي اللي مش حطالي كحل في عينيها ... لا لا لا ... النقاب اللي فيه تقوى لله سبحانه وتعالى ، النقاب الشرعي ، النقاب السليم ، نقاب أمهات المؤمنين رضوان الله عليهم

يعني برضه فيه قول واحد يقولك هو أهو أكثر فتنة الإيد و الا الوش ؟ الوش ده مجمع الحاسن ، طب يقولك إزاي ربنا يأمر بتغطية الإيد و كشف الوش ؟ كلام عايز يتسمع كدة وتفكرى فيه ، أنا مش عايز أضيق واسع الفقهاء اختلفوا ، قالوا نقاب وقالوا خمار ، و إنتى أمامك اللي اتنين ، و لكن يعني بالذات في الزمن ده والله يا جماعة و الله النقاب هو أسلم حاجة للمرأة و أسلم حاجة للرجل فيعني هذا النوع الثاني

الحجاب ... الإحتجاب عن الرجال

حجاب السابقات : اللي هي تحجبت لبسا : لبست اللبس اللي إحنا قولنا عليه الخمار أو النقاب الكامل ، و تحجبت سلوكا و معاملة و اختلاطا و نظرا : مش تمشي تكلم الأولاد في الجامعة ، الحجاب إنك تحتجبي عن الأولاد ، تحتجبي عن الرجال سواء في المعاملة أو في الزى ، مش بس إنك إنتى تغطى ... لا ... الحجاب هو الإحتجاب ، طب ليه خير صفوف النساء آخرها في الصلاة ؟ لأنها أبعد الصفوف عن الرجالة ، و ليه شر صفوف النساء أولها في الصلاة ؟ لأنها أقرب الصفوف من الرجالة — فكل ما تقربي من راجل كل ما تبقى من شر النساء و كل ما تبعدى عن الرجال في المعاملة كل ما تبقى من خير النساء

خدى قرار و متضحكيش على نفسك

عايزينك تحدى قرار يا أختي ، هتقولى لمامتك: يا ماما ده النهاردة كانوا بيتكلموا عن الحجاب الشرعي السليم في الجامع ، هتقولك الحجاب الشرعي السليم إنتى هتتجننى ! ما تضيعيش شبابك ! اوعى تقولى لوالدتك إن النهاردة اتكلمنا عن الحجاب ، اوعى تقولى هذه المعلومة ، تروحي كدة تصلى ركعتين توبة لله تعهدى ربنا فيهم إنك هتكملى الناقص عندك من الحجاب

وما تقوليش الخطوة الأولى إني أنا ألبس الأول الإيشارب اللي إيه ، و الخطوة الثانية ... ما فيش الكلام ده يا جماعة
الخطوة الأولى همار بجوانتي ، الخطوة الثانية نقاب إن شاء الله ، الخطوة الثالثة زوج طيب ومتدين و أولاد متدينين
مطيعين يسعدوكي في حياتك ، الخطوة الرابعة الجنة بإذن الله

هتقولى كدة هتضحكي على نفسك والله و هتقفى في الخطوة دى ، خليكى حاسمة ، إحنا مش ناقصين استعباد
لشهوأتنا ، و متقوليش مراحل ، خدى قرار فورى متأجلش هذا القرار

اثبتى ولا تهمى لأى حد يصدك عن الحق

بعد كدة القرار خلاص الحمد لله ، هتقومى نازلة إنتي معاكى فلوس محوشاها بالتأكد ، الفلوس دى تتلى تجيبى بيها
طقم واحد بس عباية و همار أو نقاب واحد ، طب أنا ماعيش فلوس؟! استلفى من واحدة صحبتك ، إنزلى اشترى
الطقم و مترجعش على بيتك ، ارجعى على بيت صحبتك غيرى الطقم والبسيه ، و روحى خبطى على البيت
وادخلى عليهم كدة ... مفاجأة عماللكوا مفاجأة النهاردة ، طبعا أول ما هيشفوكى توقعى الحرب اللي هتقوم
عليكى ، حرب عاصفة إنتي ضيعتى شبابك ! إنتي مش هتتجوزى ! إنتي كدة محدش هيتقدملك ! إنتي محدش
هيبصلك !

خدى بالك لو صخرة متينة حطيناها تحت حنفية بتتنقط إسبوع و اتنين مش هيعملوا فيها حاجة إنما شهر و اتنين و سنة
هيفتتوها ، اوعى تسمحي لأى كلمة إنما تدخل ودانك " **فَأَيُّ الْفَرِيقَيْنِ أَحَقُّ بِالأَمْنِ** " الأنعام: 81 اكتبها وعلقها في
أوزنك " **أَقْبِلْ وَكَا تَخَفْ** " القصص: 31 اكتبها وعلقها في أوزنك " **وَيُخَوِّفُونَكَ بِالَّذِينَ مِنْ دُونِهِ** " القصص: 36
اكتبها وعلقها في أوزنك

إنتى الوقتى مجاهدة فى الله ، إنتى الوقتى ربنا من فوق سبع سماوات بينظر إلكى بفرح سبحانه وتعالى ، إنتى الوقتى يا
أختى فى الله مناضلة ، إنتى اللي على الحق

ما فيش واحدة تقولى طب هما لازم أطيعهم وهما أولى الأمر؟ أمر إيه! يا أختى إنما الطاعة فى المعروف ، أمر إيه !
تفتنى الشباب فى الشارع و ضيعى دينك و تقابلى النبى صلى الله عليه وسلم يوم القيامة يقولك كنتى خنجر فى قلب
الإسلام و أنا كنت عيزك تعزى الإسلام بيكى ، و تقوليلى إنما تطيعى فى إيه؟! تغضبى ربك عشان تطيعى والدتك
مينفعلش !!!

ثم يعنى معلش إنتى لو طلبتى منهم يعنى شنطة والا جازمة و الا حاجة و مجابوها لكيش بتعدى تعطى اسبوعين لغاية ما
يعنى ما يعملوا المستحيل عشان يجيبوها !!! عيطى اسبوعين و الله صدقا ، مش تقفلنى على نفسك

طب هنجبسك الحمد لله " **وَقَرْنَ فِي بُيُوتِكُنَّ** " الأحزاب: 33 ده إنتوا جببوتوها لغاية عندى ، مش هنوديكى الجامعة يا
سلااااااااا الحمد لله اتعتقنا من التعليم والأرف بتاعوا الحمد لله ، هنجرمك من الميراث الحمد لله

قتلى شهادة و سجنى خلوة و سفرى سياحة بإذن الله ، خليكى كدة انسانة ثابتة على مبادئك خليكى انسانة كدة
ذات عزيمة ، اوعى حد يهزك ، اوعى وإننى رايحة كدة تقوم واحدة بصالك ضيعتى شكلك بقى شكلك وحش
تقومى على طول ... والله بقى شكلك أجمل ، أقسم بربى شكلك هيبقى أجمل بمراحل ، زى الشاب اللي يلتحى
أهله يصولوا كده شكلك بقى وحش ، والله بقى شكله أجمل وأرجل وأنضح وأحسن ، وإننى بقى شكلك أجمل

وبقى في عينين المنتزعين أجهل وأجمل ، وبقي في نظر الله من فوق سبع سماوات أجهل وأجمل ، فواعى تنهزى من مثل هذه المواقف

طب أنا مش قادرة ؟

خدى أسبوع أعملى فيه التالى :

1. روى صلى ركعتين توبة ، وكل يوم تصلى ركعتين توبة ، وتدعى ربنا بتضرع فيهم إنه يعينك على نفسك
2. تسمعى كل يوم شريط عن الجنة والنار علشان قلبك يتزلزل معاهم
3. استلفى يعنى نقاب أو حمار كامل من واحدة صحبتك واقفلى على نفسك الأوضة والبسيه ، البسى كدة نقاب كامل ووشك صافى ما فيش فيه مكياج ولا حاجة ، واقفى قدام المرآيا مش حاسة إنك فرحانة ؟ مش حاسة إنك نضيفة كدة ؟ مش حاسة إنك طاهرة وعفيفة ؟ مش حاسة إنك بتقربى من ربنا ونفسيك بتنصف وبتطهر وبتطلعى ؟ مش حاسة إنك عايزة تكسرى الدنيا وعايزة تتقربى من ربنا أكثر وأكثر ؟ هتحسى يا حساس عمرك ما حسيتيه فى حياتك مش هيهون عليكى إنك تقلعيه تانى بعد ما دوقتي جماله أول مرة

إبعدى عن صاحبات السوء لأن كلمة منهم تضيعك ، ابعدى عنهم تماما يا أختى ، ده أخطر قرار فى حياتك ده الرسول صلى الله عليه وسلم لما بايع المرأة إشتراط فى البيعة الأول عدم التبرج ، دى ألف ب دخولك الدين ، ده إنتى كل المطلوب منك فى دينك تلت أربع حاجات ، أما تضيعى الحجاب بقالك إيه فى دينك ؟!

يا أختى فى الله اوعى تستهينى بكبيرة التبرج ، أنا عايز أفكر تانى إن الرسول وصف المتبرجة بأنها منافقة وإنما ملعونة وإها زانية وإها من جند الشيطان

"المرأة عورة ، وإها إذا خرجت من بيتها استشرفها الشيطان ، وإها لا تكون أقرب إلى الله منها فى قعر بيتها"

صححه الألبانى السلاح بتاعى اللى هدمر بيه قلوب الشباب ... جنود الشيطان والعياذ بالله ، وإها ليست من أهل الجنة ولن تقرب الجنة وإها من أهل النار مستنية إيه عشان تنجى من كل الكلام ده ؟! مستنية إيه ؟!

انطلقى إلى الله وكونى بطلة

وبعد ما تلبسى الحجاب الشرعى السليم ده ياذن الله كدة وتترلى وتحسى إن ربنا فتح عليكى ، ونزل من خزائن الهداية على قلبك ، وأنا ليكى صدرك وقلبك ، وتحسى ياه يا رب كرمتنى أوى الحمد لله ، يبقى لازم حياتى تتغير بعده ، لازم أبقى أحسن ولازم أبقى أكثر جدية فى الدين ، ولازم أبقى أكثر تقدم إلى الله مدام يا رب إنت منيت عليا المنة العظيمة دى أنا هكون شاكرة لىك طول عمري ، تشكرى ربنا ، و تغيرى حياتك ، العقبة وهى عدم الحجاب اللى كانت فى وشك خلاص زالت بفضل الله سبحانه وتعالى

يعنى أنا عايز أقولكم دلوقتى يا جماعة يعنى إحنا فى درس "تقدر تبقى بطل" و"تقدر تقول لا" بفضل الله فى ناس أبطال خرجت ، فيه شباب كان عندهم معاصى ضخمة كبائر هيقعوا فيها حسموا العلاقة بينهم وبينها بفضل الله سبحانه وتعالى ، فيه ناس خدت خطوات جدية المرة اللى فاتت ، هنخرج الليلة بكام بطلة ؟ هنخرج الليلة بكام واحدة تقدر تقول لا ؟ هنخرج الليلة بكام واحدة تقدر تبقى جبل فى الصمود والثبات وتقدر تستعلى على شهواتها وتقدر تستعلى على وساوس الشيطان فى قلبها ؟

مش هتتجوزى إيه ! ده إنتى هتتجوزى أسرع جواز ، ده لما بيحبوا يتجوزوا بسرعة بعد ما يتأخروا فى الجواز بيلبسوا النقاب ، ده إنتى ياذن الله إنتظري فتوح ربنا وعطاءات ربنا عليكى لما تبقى كدة فعلا جندى من جنود الدين ، لما ترفعى راية الالتزام كده وإنتى ماشية فعلا لبسة الحجاب الشرعى السليم والسؤال الللى إنا بدأت بيه أول هذا الدرس بعيده مرة ثانية على كل أخت موجودة معنا وكل أخت فى الدنيا كلها يا رب يصل ليها يعنى هذا النداء مستتية إيه يا أختى؟ مستتية إيه ؟

دعاء

اللهم اهدِ فتيات المسلمين ، اللهم اهدِ كل الفتيات الذين معنا فى المسجد الآن ، اللهم ارزقهم الحجاب الشرعى الكامل ، اللهم اشرح صدورهن للهدى ، يا رب يا رب اشرح صدورهن للعفاف ، يا رب اشرح صدورهن للحياء ، يا رب اهدِ المسلمات ، يا رب اهدِ نساء المسلمين اللهم إهن فتنة ضل بمن كثير من عبادك ضل بمن كثير من الشباب ، اللهم فاحفظهن من أنفسهن واحفظهن من الشيطان ، واحفظهن من وسوسة الهوى واحفظهن من شياطين الإنس والجان ، اللهم فحجبهن ، اللهم فارزقهن العفاف والحياء ، اللهم اعنهن على أنفسهن ، اللهم مكن لهم فى قلوبهن و أنفسهن يا رب العالمين اهدِ شباب المسلمين ، ثبت قلوبنا على دينك حتى نلقاك ، اعنا على أنفسنا ، اعنا على أهواءنا اللهم إن نفوسنا قد استأسدت علينا وتمكنت منا واذلتنا ، وحادت بنا عن طريقك وحادت بنا عن بابك ، اللهم فمكن لنا فى أنفسنا

اللهم تب علينا ، اغفر لنا ذنوبنا كلها ، طهر لنا صحائفنا ، طهر لنا ذنوبنا ، بيض لنا وجوهنا ، ثب علينا توبة ترضى بها عنا ، ثبت لنا قلوبنا ، أنر لنا قلوبنا ، اصلح لنا قلوبنا ، اشف لنا قلوبنا ، طهر لنا قلوبنا ، زكى لنا قلوبنا ، أنر لنا صدورنا ، اشرح صدورنا للإيمان

يا رب لا تردنا على أعقابنا خائبين ، لا تردنا عن طريقك منتكسين ، ليس لنا رب سواك ، ليس لنا إله غيرك ، يا أملنا الوحيد ، يا ركننا الشديد ، يا كل رجائنا يا الله ، يا الله القينا أحمالنا على أعتابك ، يا الله يا الله يا من تسمعنا وترانا وتعلم حالنا وتعلم ضعفنا ، يا رب افتح لنا بابك ، يا رب من علينا بمهداية من لدنك

يا رب إنه قد اقترب رمضان فبلغنا رمضان ولا تحرمننا من فتوحك على قلوبنا فيه بذنوبنا ، لا تحرمننا بذنوبنا ، لا تحرمننا من خير ما عندك بسوء ما عندنا

يا رب بلغنا رمضان ، واعنا فيه على ذكرك ليلاً ونهاراً ، واعنا فيه على تلاوة القرآن ليلاً ونهاراً ، واعنا فيه على الصيام والقيام والتهجد ، واملأ حياتنا فيه بعبادتك يا رب العالمين ، وبلغنا ليلة القدر واجعلها فتحاً علينا فى عبادتك وفى نيل رضاك ، واعتق رقابنا فيه من النار يا رب العالمين ، هذا الدعاء ... هذه المسألة ... وإنا على ثقة بإجابتك يا رب العالمين ، سبحانك اللهم وبحمدك أشهد أن لا إله إلا أنت أستغفرك وأتوب إليك

تم بحمد الله

شاهدوا الدرس للنشر على النت فى قسم تفريغ الدروس تفضلوا هنا :

<http://www.way2allah.com/forums/forumdisplay.php?s=d5fa851b936c6742ef5d2ac53524ee58&f=36>